

## ՈՒՆՉԱՆԻ ԺԱՆՈՒՆՆԵՐՈՒ ՎԵՐԱԲԱՆՈՒՄ

Չբուսաշրջության նախարարությունը յայտարարեց, թե որոշած է վերացնել հարավի սահմանային Ուազգանի գետին վրայ գտնուող ճաշարաններուն եւ զբոսավայրերուն նկատմամբ սահմանափակ արգելքը, նկատի առնելով որ սեփականատերերը ներկայացուցած են արտոնագիր ստանալու անհրաժեշտ փաստաթուղթերը: Նախարարությունը սեփականատերերեն նախապես պահանջած էր յարգել աշխատանքային եւ առողջապահական կանոնները: Նշենք, որ այս ճաշարանները կը գտնուին ուղղակի սահմանին վրայ:

## ԱՆՏԱՐՔԵՐՈՒԹԵԱՆ ՊԱՐԻՄՊԸ ԴԵՂՔԵԼՈՒ ՓՈՐՉ

Լիբանանցիները զայրացած են, դժգոհ, նուստացած եւ մտահոգ: Տոլարային տատանումներ, առաջին անհրաժեշտության նիւթերու մնայուն աճ, անադիներու թալան, անապահովություն, ապագայի անորոշություն: Անոնք զայրացած են քաղաքական վերնախաւէն, դրամատոնային համակարգէն, արդարադատական փտած մարմինէն, վաճառականներու եւ գործարարներու անխղճութենէն եւ հոգեւորականներու լռութենէն: Այսուհանդերձ, միեւնոյն լիբանանցիները եւս կը մնան անտարբեր, զայրոյթը երբեք չի վերածուիր ցասումի, մնալով համացանցի ընկերային հաղորդակցութեան հարթակներու էջերուն մէջ: Լիբանանցիներն իսկ կը զարմանան, թէ ինչպէս կարելի է հանդուրժել այսքան խայտառակությունն եւ մնալ լուռ:

Նուստացած լիբանանցիներու անտարբերութեան պարիսպ ճեղքելու եւ «պատասխանատուներու» քարացած խիղճը ցնցելու փորձով մը, երէկ Պեյրուսի կեդրոնական



Ռիատ Սուլի հրապարակին վրայ տեղի ունեցաւ բողոքի նստացոյց, որ կազմակերպեցին թոշակառու զինուորականները, «Ազգային փրկութեան շարժումը» եւ Աւանդատներու միութիւնը, մասնակցութեամբ սղութենէն դժգոհ քաղաքացիներու եւ շարք մը երեսփոխաններու: Նստացոյցին լարուածութեան աճը շատ սրկթաց էր եւ շուտով բախումներ տեղի ունեցան ապահովական ուժերուն եւ քաղաքացիներուն միջեւ: Բանակը եւ ապահովական ուժերը արցունքաբեր կազ արձակեցին ցուցարարներուն ուղղութեամբ եւ փորձեցին զանոնք հեռացնել վարչապետարանին մուտքէն:

Թոշակառու զինուորականներու պատուիրակության մը ապա մուտք գործեց վարչապետարան ու տեսակցեցաւ գործող վարչապետ Նեժմի Միքայիլի հետ՝ քննարկելու համար շարք մը պահանջներ:

Երէկ գործադուլ յայտարարեցին նաեւ Բժիշկներու սեկտորային պաշտօնատեղերը, որոնք յիշեցուցին, թէ իրենց ստացած աշխատավարձը բաւարար չէ նոյնիսկ գրասենեակներ հասնելու համար:

Ամերիկեան տոլարի սակագիւնի տատանումը երէկ շարունակուեցաւ, իր հետ անկայունութեան մատնելով նաեւ վառելիքի գինը եւ առաջին անհրաժեշտութեան այլ նիւթերու սակագիւնները: Ուժանիւթի եւ ջուրի հարցերու նախարարութիւնը երէկ քանի մը անգամ հրապարակեց վառելիքի սակագիւնը, որ ի վերջոյ գիշերը ստացաւ հե-



տուեալ տեսքը: Պենզինի 95 օքթանի թիթեղին սակագիւնը՝ 2 միլիոն 64 հազար լիրա, իսկ կազին գինը՝ 1 միլիոն 360 հազար: Տնտեսութեան նախարարութիւնը միջին չափի հացին սակագիւնը բարձրացուց 39 հազար, մեծ չափի կապոցն ալ՝ 47 հազար լիրայի:

### ԶԲԱՃՆԵԼ ՊԵՅՐՈՒԹԸ

Հանրապետութեան մուֆթի շէյխ Ապտէլ Լաթիֆ Տըրիան շեշտեց, որ պետք է անյապաղ նախագահ ընտրուի



եւ կառավարութեան կազմով, այլապէս Լիբանան պիտի մատնուի քաոսի: «Ով քաղաքական գործիչներ, բաւ է ժամանակ կորսնցնել, որովհետեւ հասանք փլուզումի վերջին

(Շար.ը տեսնել 2րդ էջ) ▶▶

## ԵՐՈՒՊԱԿԱՆ ԵՐԵՍԱՆՅ ԴԱՏԱՊԱՐՏՈՒՄ

Երուպական խորհուրդի խորհրդարանական վեհաժողովը (ԵԽՏՎ) յայտարարութիւն մը հրապարակեց Արցախը Հայաստանին կապող Լաչինի միջանցքին ապօրինի արգելափակումին վերաբերեալ: Իրաւական հարցերու եւ մարդկային իրաւունքներու յանձնաժողովին յայտարար-



րութիւնը կ'ահագանգէ շրջափակումի մարդասիրական վտանգաւոր հետեւանքներէն, Պաքուէն պահանջելով գործադրել Արդարադատութեան միջազգային դատարանին վճիռը՝ միջանցքը ապաշրջափակելու մասին: Հայաստանի Արտաքին գործերու նախարարութիւնը ողջունեց Երուպական յայտարարութիւնը: Իսկ Ֆրանսայի արտաքին գործերու նախարարը շուտով պիտի այցելէ Հայաստան ու Ատրպէյճան՝ քննարկելու համար Լաչինի միջանցքին մէջ ստեղծուած վիճակը:

### ՀԱՅԱՏԵԱՑՈՒԹԵԱՆ ԱՃ ԵՒ ՅԱՐԱՎԱԿՈՒՄԻ ՎՏԱՆԳ

Հայաստանի արտաքին գործերու նախարար Արարատ Միրզոյեան ահագանգեց, թէ Ատրպէյճանի մէջ աշխուժացած է հայատեացութեան քարոզչութիւնը եւ իրապէս կայ Հայաստանի եւ Արցախի դէմ տարածուած վտանգ: Ազգային ժողովի նիստին ընթացքին երեսփոխաններու



հարցումներուն պատասխանելով Միրզոյեան միաժամանակ հաստատեց, որ խաղաղութեան բանակցութիւնները կը շարունակուին, սակայն հեռավար են եւ ֆիզիքական հանդիպումներ ցարդ չկան, սակայն պետք են: Նախարարը սակայն ժխտեց, թէ բանակցութիւններ կան միջանցքին վրայ սահմանակէտ տեղադրելու մասին:

Խօսելով Հայաստանի սահմանին վրայ տեղակայուած եւրոպական դիտորդական առաքելութեան քննադատութեան, Միրզոյեան շեշտեց, որ այս հարցով մեկնաբանութիւնները տեղին չեն:

Հայաստանի արտաքին գործերու նախարարը տեսակցեցաւ նաեւ Իրանի արտաքին գործերու փոխնախարար Ալի Պաղերի Քանիի հետ: Չրուցակիցները քննարկեցին երկկողմանի կապերը, տարածաշրջանի զարգացումները եւ Լաչինի միջանցքին արգելափակումը: Միրզոյեան հաստատեց, որ արաքները համոզուած են, որ հակամարտութիւնը կրօնական երանգ չունի, ինչպէս կը փորձէ տարածայնել թշնամին:

### ԶՈՂ ՄԸ ԵՄ

Հայաստանի Պաշտպանութեան նախարարութիւնը հաղորդագրութեամբ մը գուժեց զինուոր Արշակ Սարգսեանի մահը՝ Երասխի հատուածին մէջ տեղակայուած մարտական դիրքերէն մէկուն մէջ, հակառակորդի կրակոցներուն պատճառով: Չոհուած զինուորը Սիւնիքի Ագարակ գիւղէն էր եւ զօրակոչուած էր անցեալ տարուան Յուլիսին:

### 100 ՕՐ ՊԱՇԱՐՈՒՄ

Արցախի Հանրապետութեան ապօրինի շրջափակումը բլորեց իր 100-րդ օրը եւ տակաւին չկայ հայերը գոհացնող ու քաղաքացիները ինչպիսի լուծում: Արցախի Ներքին գործերու նախարարութիւնը ժխտեց հայերուն ուղղուած Պաքուի ամբաստանութիւնները՝ Ստեփանակերտ-Լիսազոր լեռնային ճամբով գեղք փոխադրելու մասին: Ըստ նախարարութեան, նշեալ լեռնային եւ դժուար ճամբան կը գործածուի առաջին անհրաժեշտութեան նիւթեր արցախցիներուն փոխադրելու համար, ռուս խաղաղապահներուն ընկերակցութեամբ:

## ԱՄՄԱՆԵՆ ԻՍՐԱՅԵԼԻ ԴԵՍՊԱՆԸ ՎՏԱՐԵԼՈՒ ՈՐՈՇՈՒՄ

Յորդանանի խորհրդարանը երէկ որոշեց Ամմանէն վտարել Իսրայէլի դեսպանը՝ բողոքելով Իսրայէլի ելեւմուտքի նախարարին յայտարարութիւններէն: Նախարար-



ըր Փարիզէն յայտարարութիւն մը կատարեց, իր առջեւ ունենալով Իսրայէլի քարտէզ մը, որ կը ներառէ Պաղեստինն ու Յորդանանը: Ան նաեւ ըսած էր, որ «պաղեստինցի ժողովուրդ գոյութիւն չունի»:

Այլ գիծի վրայ, իսրայէլեան բանակը յայտարարեց, որ կործանած է պաղեստինեան անօդաչու մը, որ տակաւին չէր հատած Կազայի սահմանը:

### ԶԻՆԱՍՏԱՆԻ ԿԱՐՄԻՐ ԳԻԾԸ



Միացեալ Նահանգներու արտաքին գործերու նախարար Անթոնի Դիքսընը կարծիք յայտնեց, որ Ռուսիոյ վտան-

գաւոր զենքեր տրամադրելու հարցին մէջ Չինաստան տակաւին չէ հատած կարմիր գիծը: Իսկ Աւստրիա երեսակայական համարեց այն միտքը, որ կարելի է Ռուսիան հեռացնել աշխարհի ուժեղներու կազմէն, յիշեցնելով որ Մոսկուա կը մնայ հիւլեական զխաւոր ուժ մը:

### ՆԱԹՕ-ԻՆ ՄԻՎՆԱԿՈՒ ՓՈՐՉ

Շուէտի Պաշտպանութեան նախարարութիւնը յայտարարեց, որ խորհրդարանը իր հաւանութիւնը տուած է անդամակցելու ՆԱԹՕ-ին, հակառակ Թուրքիոյ խափանումին եւ Հունգարիոյ ձգձգումին: Դաշինքին միանալու առաջարկին թեր քուէարկեց 269 երեսփոխան, 37 ընդդիմա-



դիրներու դիմաց: Իսկ արտաքին գործերու նախարարը նշեց, որ ՆԱԹՕ-ին միանալը երկրին անվտանգութիւնը եւ շրջանային կայունութիւնը պահպանելու լաւագոյն միջոցն է:

Այսուհանդերձ, Շուէտի խորհրդարանին որոշումը առայժմ ապարդիւն է, որովհետեւ դաշինքի անդամ Թուրքիա ցարդ կը մերժէ համաձայնիլ Շուէտի անդամակցութեան, մինչ Հունգարիա տակաւին չէ վերջնականացուցած իր որոշումը: Յիշեցնենք, որ Թուրքիոյ նախագահ Ռեճեպ Թայիպ Էրտողան տակաւին պահանջներ կը ներկայացնէ Սթրեքոլմին՝ որպէսզի համաձայնի դաշինքին անոր անդամակցութեան:

## ՔԵՐԱԳՈՅՆ ՉՈՔԵՒՐ ԽՈՐՀՈՒՐԴԸ, ՆԱԽԱԳԱՀՈՒԹԵԱՄԲ Ե.Ս.Օ.Տ.Տ. ԳԱՐԵԳԻՆ Բ. ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ, ԲԵՐՁՈՐԻ (ԱՐՀԻՆԻ) ՄԻՋԱՆՅՔԻ ՄՐԳԵԼԱԾԱԿԱՄՆ 100-ՐԴ ՕՐՈՒՄԱՆ ՎԵՐԱԲԵՐԵԱԼ ՀԱՆԴԵՍ ԵՎԱԾ Է ՅԱՅՏԱՐԱՐՈՒԹԵԱՄԲ

Խորը ցաւով եւք արձանագրում, որ արդէն 100-րդ օրն է, ինչ Ատրպէյճանի իշխանութիւնները, հայատեաց քաղաքականութեան սաստկացող դրսեւորումներով, արգելափակում են պահում Արցախը Յայաստանի հետ կապող Բերձորի (Լաչինի) միջանցքը:

Ատրպէյճանի կողմից Արցախի Յանրապետութեան հայ բնակչութեան նկատմամբ պարբերաբար իրականացուող ֆիզիքական ու հոգեբանական ճնշումները, բռնութիւններն ու ահաբեկչական գործողութիւնները ամառէլ խորացնում են մարդասիրական աղետալի իրավիճակը: Յակառակ Արցախում տեղակայուած խաղաղապահ անձնակազմի ներդրած ջանքերի՝ ատրպէյճանական իշխանութիւններին յանցաւոր գործողութիւններին հետեւանքով ոտնահարում են մարդկանց՝ երեխաների, կանանց եւ ծերերի կեանքի, բուժում ստանալու, տեղաշարժի եւ հիմնարար միւս իրաւունքները:

Բարձր եւք զնահատում ՄԱԿ-ի Միջազգային արդարադատութեան դատարանի որոշումը Ատրպէյճանի կողմից Բերձորի (Լաչինի) միջանցքի արգելափակումը վերացնելու վերաբերեալ: Ողջունում ենք Եւրոխորհրդարանի վեիաժողովի կողքը, որով Ատրպէյճանի իշխանութիւններին յորդորում է կեանքի կոչել ՄԱԿ-ի Միջազգային արդարադատութեան դատարանի որոշումը:

Տարակուսանք ենք արտայայտում, որ հակառակ միջազգային հանրութեան, վերջինիս իրաւասու եւ ազդեցիկ կառոյցների կողմից ճանապարհը բացելու վերաբերեալ կտրական պահանջներին՝ առ այսօր արգելափակումը շարունակում է:

Յորդորում ենք ՄԱԿ-ի, Եւրոխորհրդարանի եւ Եւրոմիութեան պատկան կառոյցներին, պետութիւնների ղեկավարներին ու կրօնական առաջնորդներին հետեւողական ջանքերով հասնել Ատրպէյճանի կողմից Միջազգային դատարանի վճի կատարմանը, ցեղասպանական գործողութիւնների դատապարտմանը եւ Արցախի բնակչութեան անվտանգ ու բնականոն կեանքի ապահովմանը:

Ատրպէյճանի կողմից Միջազգային դատարանի որոշման հանդէպ բացայայտ անյարգալից նման մօտեցման հանդուրժումը սաստկացնելու է մարդասիրական ճգնաժամը, Նոր վտանգներ է ստեղծելու Արցախի աւելի քան 120.000 բնակչութեան կեանքի համար, ստեղծելու է միջազգային դատական ատեանների վճիները կոպտօրէն շրջանցելու աններելի նախադէպ, միաժամանակ խորը յուսախաբութիւն առաջացնելով միջազգային արդարադատութեան նկատմամբ:

Առաքելական մեր Սուրբ Եկեղեցին, առաջնահերթութիւն ունենալով մարդկային կեանքերի փրկութիւնն ու անվտանգութիւնը, հետեւողականօրէն պաշտպանելու է Արցախի ժողովրդի ինքնորոշման իրաւունքի իրագործումը՝ անկախութիւն յանուն փրկութեան ու անվտանգութեան սկզբունքով:

## ԱՄԵՆԱՅՆ ՀԱՅՈՑ ԿԱԹՈՂԻԿՈՍԸ ԸՆԴՈՒՆԵՑ ԺՈՂՈՎՈՐՈՒՄՆԵՐՈՒ ՉՈՔԵՒՐ ՄԻԱՍՆՈՒԹԵԱՆ ՄԻՋԱԶԳԱՅԻՆ ՀԻՄՆԱԳՐԱՄԻ ՆԱԽԱԳԱՀԸ

Ե.Ս.Օ.Տ.Տ. Գարեգին Բ. ծայրագոյն պատրիարք եւ Ամենայն Յայոց կաթողիկոսը Մայր Աթոռ Սուրբ Էջմիածնի մէջ ընդունեց ժողովուրդներու հոգեւոր միասնութեան միջազգային հիմնադրամի նախագահ Վալերի Ալեքսեւը:



Հանդիպման ընթացքին հիմնադրամին նախագահը, ուրախութիւն յայտնելով վերստին Մայր Աթոռ Սուրբ Էջմիածնի իր այցի առիթով, Վեիափառ Յայրապետին ներկայացուց անցած տարիներու ընթացքին հիմնադրամին արձանագրած ձեռքբերումները եւ յառաջիկայ ընելիքները: Այս առնչութեամբ Վ. Ալեքսեւը տեղեկացուց նաեւ ԱՊԳ երկիրներուն մէջ 2023 թուականը ռուսաց լեզուի տարի հռչակման առիթով հիմնադրամին կողմէ ծրագրուող միջոցառումներուն, ի մասնաւորի «Ռուս գրողները եւ ուղղափառութիւնը» տասներկու հատորանոց մատենաշարի շնորհանդէսին վերաբերեալ:

Ամենայն Յայոց կաթողիկոսը, իր օրհնութիւնն ու բարեմաղթանքները բերելով ժողովուրդներու հոգեւոր միասնութեան միջազգային հիմնադրամի նախագահին, զնահատաբար անդրադարձաւ հիմնադրամի գործունեութեան, որ ուղղուած է քրիստոնեայ ժողովուրդներուն միջեւ հոգեւոր-մշակութային կապերու ընդլայնման ու զօրացման, հոգեւոր-քարոյական արժէքներու պաշտպանութեան ու ամրապնդման, Եկեղեցիներու հոգեւոր, կրթական ու ընկերային առաքելութեան սատարելուն: Նորին Սրբութիւնը ողջունեց նաեւ ներկայացուած ծրագիրները, որոնք պիտի նպաստեն փոխճանաչման եւ ժողովուրդներուն միջեւ մշակութային կապերու սերտացման:

Չրոյցի ընթացքին անդրադարձ կատարուեցաւ երկիրներուն եւ ժողովուրդներուն առջեւ ծառայած մարտահրաւերներուն, տարածաշրջանին մէջ առկայ անվտանգային սպառնալիքներուն, ինչպէս նաեւ խաղաղութեան եւ կայունութեան հաստատման ուղղութեամբ ներդրուող ջանքերուն:

## «ՀԱՅԱՍՏԱՆ ԶԻ ԲԱՆԱԿՑԻՐ ԼԱԶԻՆԻ ՄԻՋԱՆՑՔԻՆ ԱՆՑԱԿԵՏ ՏԵՂԱԴՐԵԼՈՒ ՀԱՐՑԻՆ ՇՈՒՐՁ» Կ'ԸՍԵ ՄԻՐՁՈՅԵԱԼ

Յայաստանը չի բանակցիր Լաչինի միջանցքին անցկէտ տեղադրելու հարցին շուրջ: Ազգային ժողովին մէ կառավարութեան հարց ու պատասխանի ժամանակ այս մասին յայտնեց ՀՀ արտաքին գործերու նախարար Արարատ Միրզոյեանը:



«Յայաստանը կը համարէ, որ Լաչինի միջանցքին ու անոր կարգին շուրջ բանակցութիւնները վաղուց աւարտած են ու կարգաւորումները տեղ գտած են 2020 թուականի Նոյեմբեր 9-ին Յայաստանի, Ատրպէյճանի ու Ռուսիոյ ղեկավարներուն կողմէ ստորագրուած փաստաթուղթին մէջ: Այնտեղ կ'ըսուի, որ Լաչինի միջանցքը կը մնայ ռուս խաղաղապահներու վերահսկողութեան տակ ու Ատրպէյճանը անխոչընդոտ կ'ապահովէ երկկողմանի երթեւեկութիւնը», նշեց Միրզոյեանը:

Արտաքին գործերու նախարարին խօսքով՝ այն ամբարձրած պայմանաւորութիւններն է, ու Յայաստանը պէտք է արդէն կասկած յայտնէ հետագայ բանակցութիւններու նպատակարարմարութեան վերաբերեալ:

«Այսինքն՝ ի՞նչ իմաստ ունի այլ հարցերու շուրջ ձեռք բերել պայմանաւորութիւններ, եթէ անոնք որոշ ժամանակ յետոյ անպայմանօրէն պիտի խախտուին Ատրպէյճանի կողմէ: Ո՛չ, մենք չենք բանակցիր Լաչինի միջանցքին ատրպէյճանական անցակէտ դնելու շուրջ», յայտնեց Միրզոյեանը:

## ԽԱՂԱՂԱՊԱՔ ԶՕՐԵԿԱԶՄԻՆ ՈՐՂԵԿՅՈՒԹԵԱՄԲ ԱՅՂ ՃԱՆԱԳԱՐԿՈՎ ՏԵՂԻ Կ'ՈՒՆԵՆԱՆ ԲԱՂԱԲԱՅԻՎԿԱՆ ԱՆՑԵՐՈՒ ՏԵՂԱՓՈՒՍՈՒԹԻՒՆ

### ԱՐՅԱՍԻ ԵՎ ԵՆ ՀԵՐՔԱԾ Ե ԱՍՐՈՒՅՃԱՆԻ ՏԱՐԱԾՈՒԹԵԱՆ ԼՈՒՐԵՐԸ

Ատրպէյճանի Պաշտպանութեան նախարարութիւնը հերթական ապատեղեկատուութիւնը տարածած է այն մասին, թէ իբր հայկական կողմը, ռուս խաղաղապահներուն ուղեկցութեամբ, զօրք եւ զինամթերք տեղափոխած է Ստեփանակերտ-Ղայալախիջէն-Լիսազոր անտառային ճանապարհով:

Արցախի Յանրապետութեան Ներքին գործերու նախարարութիւնը տարածած է յայտարարութիւն, ըստ որուն, իրականութեան մէջ խաղաղապահ զօրակազմին ուղեկցութեամբ այդ ճանապարհով տեղի կ'ունենայ միայն քաղաքացիական անձերու եւ մարդասիրական բեռերու տեղափոխութիւն Արցախի բնակավայրերուն միջեւ:



«Շուշիի շրջանի որոշ գիւղերու հետ մայրաքաղաքին բնականոն հաղորդակցութիւնը ընդհատուած է 2022 թուականի Դեկտեմբեր 12-էն՝ Ատրպէյճանի կողմէ Ստեփանակերտ-Գորիս միջպետական մայրուղին արգելափակելու պատճառով:

«Հաշուի առնելով այդ լեռնային ճանապարհի աշխարհագրական բարդ բարձրաքանդակը՝ անով երթեւեկութիւնը կը կազմակերպուի մեծ ու բարձր ինքնաշարժներով, որոնք ատրպէյճանական կողմը փորձ կ'ընէ ներկայացնել որպէս ռազմական նշանակութեան փոխադրումներ իրականացնող ինքնաշարժներ: Ռուս խաղաղապահները կատարած են իրենց գործառնոյթը՝ ամբարձրուած 2020 թուականի Նոյեմբեր 9-ի եռակողմ յայտարարութեամբ: Հաշուի առնելով 5 Մարտի յարձակումը Արցախի ոստիկաններուն վրայ եւ յառաջացած յաւելեալ անվտանգային վտանգները՝ ռուսական կողմը ապահոված է քաղաքացիական անձերու եւ բեռերի անվտանգ տեղաշարժը», նշուած է Արցախի Ներքին գործերու նախարարութեան տարածած յայտարարութեան մէջ:

## ԱՆՏԱՐԱԲԵՐՈՒԹԵԱՆ ՊԱՐԻՄՊԸ ՃԵՂՔԵԼՈՒ ՓՈՐՁ

(Շարունակում Ա. Էգնի)

փուլերուն», ըսաւ մութքին: Ան նաեւ կտրականապէս մերժեց Պէյրութը քաղաքապետական երկու հատուածի բաժնելու առաջարկը, խոստանալով պայքարիլ այդ փորձին դէմ:

### ԴՐԱՄԻ ԱՐՏԵՐԿԻՐ ՓՈՒՍԱՆՑՈՒՄ

Խորհրդարանի փոխնախագահ Էլիաս Պու Սաապ յայտնեց, որ անցնող երկու ամիսներուն կարգ մը երեւելիներ՝ ներառեալ քաղաքական գործիչներ, դատաւորներ, սպաներ ու գործարարներ, արտերկիր փոխանցած են



իրենց ունեցուածքը: «Տակաւին ոչ ոք գիտէ, թէ տղարի սակագինի տատանումներուն պատասխանատուն ով է, մինչ Կեղրոնական դրամատունէն որեւէ պարզաբանում չկայ», բողոքեց Պու Սաապ: Ան նաեւ դժգոհեցաւ, որ դրամատան կառավարիչ Ռիատ Սալամէ կը մերժէ խորհրդարան գալ, սակայն ապահովական պաշտպանութեամբ կ'այցելէ վարչապետարան եւ դատարան:

### ՊԵՏՈՒԹԻՒՆԸ ԿՐՆԱՅ ՄԵՆԱԵԼ ՃԳՆԱԺԱՍԸ

Հրգալալայի ընդհանուր քարտուղար սայիտ Հասան Նասրալլա յայտնեց, որ Լիբանանի Նոր նախագահի ընտրութեան հարցով արտերկրէն կարելի է օժանդակութիւն ակնկալել, սակայն վերջնական որոշումը առաջին հերթին վերապահուած է լիբանանցիներուն: Անդրադառնալով երկրի տնտեսական ծանր վիճակին, Նասրալլա կարեւորեց ազգային երկխօսութեան նիստերու գումարումը: «Պետութիւնը չի կրնար ըսել, թէ կարողութիւն չունի որեւէ քայլի ձեռնարկելու, այլ կան տնտեսական միջոցներ, որոնք կրնան մեղմել ճգնաժամը», ըսաւ Նասրալլա եւ յիշեցուց, որ 12 միլիարտ տոլարի ներդրումներ ընելու շինական առաջարկը տակաւին առկայ է:

Խօսելով հարաւային սահմանին վրայ վերջին շրջանի զարգացումներուն մասին, Հրգալալայի ընդհանուր քարտուղարը հաւաստիացուց, որ Իսրայէլ կը վախնայ Լիբանանի հետ ռազմական ճակատ բանալէ, աւելցնելով որ «դիմադրութիւնը պիտի հակադարձէ իսրայէլեան որեւէ բռնարարքի»: Անդրադառնալով վերջերս Հայֆայի մօտ ականի պայթումին եւ այդ առումով Հրգալալային ուղղուած ամբաստանութիւններուն, Նասրալլա նշեց, որ իրենց լռութիւնը մարտավարութեան մասնիկ է:

### ԱՄԲԱՍՏԱՆՈՒԹԵԱՆ ՓՈՒՍԱՆԱԿՈՒՄ

Լիբանանեան անթիւ խնդիրները երկ համալրուեցան քաղաքապետական ու թաղապետական ընտրութիւններու թղթածրարով: Լիբանանեան ուժեր կուսակցութեան նախագահ Սամիր ժաաժա խորհրդարանի նախագահ



Նեպիի Պըրրին եւ դիմադրութեան խմբաւորումը ամբաստանեց խորհրդարանի օրէնսդրական նիստ գումարելով ընտրութիւնը յետաձգելու եւ քաղաքապետական գործող խորհուրդներուն պաշտօնավարութիւնը երկարաձգելու մէջ: Ան խոստացաւ ջանք թափել՝ յաջողցնելու համար ընտրութիւնը: Իսկ խորհրդարանի նախագահի քաղաքական հարցերու օգնական, երեսփոխան Ալի Հասան Խալիլ ժաաժապը ամբաստանեց պատասխանատուութեան խոստափելու եւ քաղաքապետական ընտրութեան ֆինանսաւորումին յատկացուած որոշում մը խոչընդոտելու մէջ:

### ԱՄԱԶԱԿԻ ՁԵՐԱՎԱԿԱՆՈՒԹԻՒՆ

Լիբանանեան բանակի հրամանատարութիւնը յայտարարեց, թէ հետախուզական գործողութիւններու լոյսին տակ, բանակը 19 Մարտին յաջողած է ձերբակալել 16



Մարտին Հազմիէ շրջանի OMT գրասենեակներէն մեկը թալանած աւագակախումբի զլխաւոր պատասխանատուն, որուն արարքին տեսագրութիւնը օրին մեծ տարածում գտած էր ընկերային հաղորդակցութեան հարթակներուն վրայ: Ըստ բանակի յայտարարութեան, ձերբակալուած լիբանանցի խոստովանած է նշեալ գրասենեակէ մեծ գումար թալանելու եւ զայն իր ընկերակիցներուն հետ բաժնելու մասին: Խուզարկումներուն ընթացքին բանակի հետախուզական ծառայութիւնը բացայայտած է գողցուած գումարին մեկ մասը եւ ատրճանակ մը: Ձերբակալուած աւագակը խոստովանած է զանազան շրջաններէ շուրջ 30 շարժանի գողնալու եւ Պըրժ Պարաժմէ թաղամասին մէջ գանոնք վաճառելու մասին:

# ԳԵԹՍԵՄԱՆԻ ՍՈՒՐԲ ԱՍՏՈՒԱԾԱԾԻՆ ՏԱՃԱՐԸ ՅԱՐՁԱԿՄԱՆ ԵՆԹԱՐԿՈՒՄԸ Է.

## ԵՐՈՒՄԱՂԵՍԻ ՀԱՅՈՑ ԴԱՏՐԻԱՐՔԱՐԱՆԸ ԴԱՏԱԴԱՐՏԱԾ Է ՅԱՐՁԱԿՈՒՄԸ

Հայ եւ Յոյն ուղղափառ եկեղեցիներու համատեղ հսկողութեան ներքոյ գտնուող Գեթսեմանիի Սուրբ Աստուածածին տաճարը յարձակման ենթարկուած է: Երուսաղէմի Հայոց Պատրիարքարանը յայտարարութիւն տարածած է՝ դատապարտելով տաճարին վրայ կատարուած յարձակումը:



«Թէեւ Սուրբ Աստուածածին տաճարին վրայ այս յարձակումը առաջինն էր այս տարուան սկիզբէն ի վեր, սակայն քրիստոնէական միւս սրբավայրերը անզգամ յարձակողներու կողմէ մշտապէս կ'ենթարկուին ինչպէս ֆիզիքական, այնպէս ալ հոգեբանական ճնշումներու: Եթէ քրիստոնէական սրբավայրերուն վրայ կատարուած նախորդ յարձակումները արագօրէն դատապարտուէին տեղական իշխանութիւններուն կողմէ, եւ յանցագործները պատժուէին օրէնքի ամբողջ խստութեամբ, քրիստոնէական համայնքներուն, եկեղեցիներուն եւ վանքերուն վրայ նոր յարձակումներ չէին ըլլար: Կրօնական անհանդուրժողականութիւնը եւ ատելութեամբ լեցուած ոճրագործութիւնները իրենց բոլոր դրսեւորումներով երբեք պիտի չապահովեն խաղաղ համակեցուծեան պայմաններ: Յատկապէս, երբ այսօր իշխանութիւններուն կողմէ անվերահսկելի են այդ յարձակումները, այդ աւելի պիտի խթանէ ատելութեամբ լեցուած յանցագործութիւնները եւ անհանդուրժողականութիւնը: Այսպիսի գործողութիւններն ու անոնց անպատժելիութիւնը կը ստեղծեն անպահով պայմաններ քրիստոնէական համայնքներուն համար եւ անվստահութեան սերմեր կը ցանեն հաւատացեալներուն, զբօսաշրջիկներուն եւ բնակիչներուն միջեւ տեղական իշխանութիւններուն հանդէպ: Դատաբար, Իսրայէլի կառավարութեան եւ ոստիկանութեան կողմէ կ'ընենք, որպէսզի լուրջ միջոցներու ձեռնարկեն՝ կանխելու այսօրինակ յարձակումները եւ պաշտպանելու ինչպէս քրիստոնէական սրբավայրերը, այնպէս ալ անոնց ամենօրեայ սպասարարները հետագայ ոտնձգութիւններէն եւ յարձակումներէն», ըսուած է Պատրիարքարանին տարածած յայտարարութեան մէջ:

## ԵՐՈՒՄՆՈՒԹԵԱՆ ԵՐԿԻՐՆԵՐԸ 2022-ԻՆ 15,6 ՄԻԼԻԱՐ ԵՐՐՕ ԾԱՆՍԱԾ ԵՆ ԱՏՐՊԵՅՃԱԾԵՆ ԿԱԶ ՓՆԵՆՈՒ ՀԱՄԱՐ

Եւրոպական միութեան (ԵՄ) երկիրները՝ Իտալիան, Յունաստանը եւ Պուլկարիան, 2022 թուականին Ատրպէյճանէն ներմուծած են 15 միլիար 598 միլիոն 852 հազար եւրոյի բնական կազ:



Ըստ Եւրոսթաթի տուեալներուն՝ 2021 թուականին Ատրպէյճանէն ԵՄ երկիրներ կազ ներմուծման արժեքային ծաւալը կազմած է 3 միլիար 892 միլիոն 233 հազար եւրո: Այսպիսով, Ատրպէյճանի մէջ կազի գնման ծախսերը 2022 թուականին աճած են մօտաւորապէս քառակի: 2022 թուականին Իտալիան Ատրպէյճանէն կազի գնման համար ծախսած է 13 միլիար 253 միլիոն 515 հազար եւրո (տարուան ընթացքին աճած է շուրջ 3,9 անգամ), Յունաստանը՝ 1 միլիար 962 միլիոն 325 հազար եւրո (աճը շուրջ 4,2 անգամ), Պուլկարիան՝ 383 միլիոն 11 հազար եւրո (աճը տարուան ընթացքին գրեթէ 8 անգամ): Ինչպէս հաղորդուած էր աւելի վաղ, 2022 թուականին Ատրպէյճանը կազի արտահանումը աւելցուցած է 18%-ով՝ մինչեւ 22,3 միլիար խորանարդ մեթր, Եւրոպա մատակարարումները կազմած են 11,4 միլիար խորանարդ մեթր: 2023 թուականին Ատրպէյճանէն կազի արտահանումը կը ծրագրուի հասցնել աւելի քան 24 միլիար խորանարդ մեթրի, որմէ առնուազան 12 միլիար խորանարդ մեթրը՝ Եւրոպա: Եւրոպայի մէջ ատրպէյճանական կազի գնորդներն են Իտալիան, Յունաստանը, Պուլկարիան եւ Ռումանիան:

## ՄՊԻՏԱԿ ՏԱՆ ՄԷՋ ԱՏՐՊԵՅՃԱԾԻՆ ՈՒ ՀԱՅՎԱՍՏԱՆԻՆ ԼԱՐՈՒՎԾՈՒԹԻՒՆ ԹՈՒԼԱՑՆԵԼՈՒ ԿՈՉ ԸՐԱԾ Է

ԱՄՆ Ազգային անվտանգութեան խորհուրդի ներկայացուցիչ Ճոն Զըրպին Ատրպէյճանին եւ Հայաստանին կողմէ ըրած է քայլերու ձեռնարկելու տարածաշրջանին մէջ իրավիճակի ապամազլցողութեան հասնելու համար: Ճոն Զըրպին այդ մասին ըսած է Սպիտակ Տան մէջ կայացած ճեպագրոյցի ընթացքին:



Ճեպագրոյցի ընթացքին լրագրողը յիշեցուցած է, որ լրացած է Լազիսի միջանցքի արգելափակման 100-րդ օրը եւ հարցուցած է, թէ ինչ դիրքորոշում ունի ԱՄՆ-ն հակամշարտութեան վերաբերեալ եւ արդեօք երկրին համար մտահոգի՞չ է Լեռնային Ղարաբաղի մէջ ռուս զինուորականներուն ներկայութիւնը: Հարցին ի պատասխան՝ Ճոն Զըրպին ըսած է. «Ես կ'ըսեմ այն, ինչ մենք ըսած ենք նախապէս: Մենք կողմերուն ապամազլցողութեան կողմէնք: Մենք չենք փափաքիր որեւէ բռնութիւն տեսնել, եւ կը փափաքինք, որ բոլոր կողմերը համապատասխան քայլերու ձեռնարկեն լարուածութիւնը թուլացնելու եւ բռնութիւնը դադարեցնելու համար»: Լեռնային Ղարաբաղի մէջ ռուս զինուորականներու ներկայութեան վերաբերեալ հարցին Զըրպին չէ պատասխանած:

## ՀՀ ԵՆԵՄՈՒՏՅԵՐ ՆԱԽԱՐԱՐՆ ՈՒ ՎՐԱՍՏԱՐ ԴԵՄՈՒՆԸ ՎԵՐԱՀԱՍՏԱՏՄԸ ԵՆ ՓՈՐՁԻ ՓՈՒՆՏԱՎԱՐՆ ՈՒ ԱՐԿԻՆՍԻԵՏ ՀԱՄԱՐՈՒՄԻՆՅՈՒԹԵԱՆ ՈՒՂՂՈՒՄԸ ՋԱՆՔԵՐՈՒՄ ԸՆԿՐՄԵՆԵՏՈՒԹԻՒՆ

ՀՀ Ելեմուտքի նախարար Վահէ Յովհաննիսեանը ընդունած է Կրաստանի նորանշանակ արտակարգ եւ լիազօր դեսպան Կիրոկի Շարվաշիձէի գլխավորած պատուիրակութիւնը:



Վահէ Յովհաննիսեանը, ողջունելով հիւրերը, շնորհաւորած է դեսպան Շարվաշիձէի պաշտօնը ստանձնելուն առիթով եւ յոյս յայտնած է, որ երկու երկիրներուն միջեւ առկա համագործակցութիւնը արդիւնաւետ եւ շարունակական ըլլայ: Շնորհակալութիւն յայտնելով ընդունելութեան համար՝ Կիրոկի Շարվաշիձէն իր հերթին շնորհաւորած է Վահէ Յովհաննիսեանը ՀՀ Ելեմուտքի նախարարի պաշտօնին նշանակուելուն առիթով: Չորուցակիցները անդրադարձած են երկու երկիրներու Ելեմուտքի նախարարութիւններուն միջեւ համագործակցութեան, ընդգծելով որ վերջին ժամանակաշրջանին այն կը կրէ աւելի հզօր բնոյթ: Այդ մասին կը վկայէ նաեւ նախորդ տարուան Յուլիսին ՀՀ Ելեմուտքի նախարարութեան եւ Պետական եկամուտներու կոմիտէի ներկայացուցիչներուն այցը Կրաստան: Հանդիպման աւարտին կողմերը վերահաստատած են փոփոխ փոխանակման ու արդիւնաւետ համագործակցութեան ուղղուած ջանքերուն անհրաժեշտութիւնը:

## ՀՀ ԸՆՆՉԱԿԱՆ ԿՈՄԻՏԵԻ ՆԱԽԱԳԱՅԸ ԸՆԴՈՒՆԱԾ Է ԱՄՆ ԴԵՄՊԱՆԸ

ՀՀ Ըննչական կոմիտէի նախագահ Արգիշտի Զեարամեանը ընդունած է ԱՄՆ նորանշանակ արտակարգ եւ լիազօր դեսպան Զրիսթինա Զվինի գլխավորած պատուիրակութիւնը:

Արգիշտի Զեարամեանը շնորհաւորած է Զրիսթինա Զվինը դեսպանի պաշտօնը ստանձնելուն առթիւ: Կոմիտէի նախագահը բարձր գնահատած է նախընթաց շրջանին ԱՄՆ դեսպանատան մասնակցութիւնը երկու երկիրներու իրաւապահ համակարգերու փոխգործակցութեան խորացման, Հայաստանի մէջ ժողովրդավարութեան ամրապնդման, ոլորտային բարեփոխումներու եւ յանցանորութեան դէմ պայքարին մէջ Հայաստանի ներուժի զարգացման գործին մէջ:



Արգիշտի Զեարամեանը նշած է, որ համագործակցութեան արդիւնաւետութիւնը արտացոլուած է անդրազգային բնոյթ ունեցող եւ արհեստագիտական զարգացման շնորհիւ աւելի բարձր դրսեւորումներ ստացող յանցատեսակներով բացայայտումներու քանակական աճով, իսկ պայքարի արդիւնաւետ տոր մեթոտներու իւրացումը, տեխնիկա-արհեստագիտական յագեցումներու շարունակումը կը նպաստեն աւելի շօշափելի ձեռքբերումներուն:

Այս առումով Արգիշտի Զեարամեանը ընդգծած է կիպեռայանցագործութիւններու եւ բարձր արհեստագիտութիւններու ոլորտին մէջ կատարուած յանցագործութիւններու, Ելեկտրոնային ապացոյցներու ձեռքբերման առումով առանցքային նշանակութիւն ունեցող համակարգչատեխնիկական աշխատանքի ստեղծումը ՀՀ Ըննչական կոմիտէին մէջ: 2022 թուականին ԱՄՆ պետական քարտուղարութեան Թմրամիջոցներու դէմ պայքարի եւ իրաւական համագործակցութեան գրասենեակի (INL) ֆինանսաւորմամբ այն համալրուած է տուեալ ոլորտին մէջ ամենաարդիական ծրագրային կապակցութեամբ, գերհզօր սերվերային եւ այլ սարքաւորումներով, ինչ որ թոյլ կու տայ ընդլայնելու աշխատանքի գործառնությունները: Իր յագեցումներու մակարդակով այն չի գիշիր տարածաշրջանային լաւագոյն աշխատանքներուն:

Դեսպան Զվին նշած է, որ ԱՄՆ դեսպանատան եւ ՀՀ Ըննչական կոմիտէին միջեւ ձեւաւորուած են սերտ համագործակցութեան լաւ ասանդություններ եւ կը փափաքի զարգացնել անոնք նոր մակարդակի: Ան յաւելած է, որ ԱՄՆ-ն պատրաստ է աջակցելու Հայաստանին իրաւապահ ոլորտի բարեփոխումներուն եւ նպաստելու ՀՀ Ըննչական կոմիտէի կարողութիւններու հետագայ զարգացման՝ ելլելով հայկական կողմի նախանշած առաջնահերթութիւններէն: Ընկերակցութեան նախնական հարթակներով թմրամիջոցներու ապօրինի շրջանառութեան, քրիպթարժոյթներու կիրառմամբ դրամի լուացման, կիպեռայանցագործութիւններու դէմ պայքարին մէջ երկու երկիրներու իրաւապահ համակարգերու փոխգործակցութեան, այս ոլորտներուն մէջ ՀՀ ԶԿ քննչներու հմտութիւններու զարգացման ուղղուած թիրախային ծրագրներու իրականացման առնչուող հարցեր: Միտքեր փոխանակուած են երկու երկիրներուն միջեւ իրաւական փոխօգնութեան արդիւնաւետութեան բարձրացման վերաբերեալ: Դեսպանին ներկայացուած է ԱՄՆ աջակցութեամբ հզօրացուած՝ ՀՀ ԶԿ-ի մէջ գործող համակարգչատեխնիկական աշխատանքը: Ան ծանօթացած է ինչպէս ԶԿ ստորաբաժանումներուն, այնպէս ալ Ըննչական այլ մարմիններուն մէջ քննուող վարոյթներով համակարգչային համակարգերը թուային խուզարկութեան ենթարկելու, թուային հետքեր յայտնաբերելու եւ վերականգնելու աշխատանքի հնարաւորութիւններուն:

## Ո՞՞ Է ԱՇԽԱՐՀԻ ԱՄԵՆԱՄԵԾ ԺՈՂՈՎՐԴԱԿԱՆՈՒԹԻՒՆ ՎԱՅԵԼՈՂ ԵՐԳԻՉԸ

Գաւատացի երգիչ The Weeknd-ը (Էյպլ Թեսֆայէ) Կինեսի մրցանիչներու գիրքին մէջ արձանագրուած է որպէս աշխարհի ամենամեծ ժողովրդականութիւն վայելող արուեստագետ: Ան դարձած է առաջին երաժիշտը, որուն լսած է ամսական աւելի քան 100 միլիոն օգտատէր: Թեսֆայէն հասած է ունկնդիրներու 111,4 միլիոն առաւելագոյն նշագիծին: The Weeknd-ն առաջին անգամ Կինեսի մրցանիչներու գիրքին մէջ արձանագրուած է 2016 թուականին: Այն ժամանակ անոր «Starboy» ալպոմը ճանչցուած է Spotify-ի մէջ ամենամեծ տարածում ունեցողը: Երաժիշտը գերազանցած է նաեւ արական սեռի կատարողներու շրջանակին մէջ Billboard Hot 100 ցուցակի լաւագոյն տասնեակին մէջ գտնուելու մրցանիչը: The Weeknd-ը հեղինակ-կատարող է, արտադրող եւ դերասան: Ան «Կրեմլի» չորս մրցանակի, քան Billboard-ի մրցանակակիր է, ինչպէս նաեւ առաջադրուած է «Օսքար»-ի: 2015 թուականին Թեսֆայէն «Լաւագոյն օրիփիւսլ երգ» անուանակարգին մէջ արձանակի յաւակնած է «Earned it» թրեքին համար, որ հնչած է «Մոխրագոյնի յիսուն երանգները» ֆիլմին մէջ:



